

麻城縣志卷三十一上

人物志

文苑

大道散著文別爲科東京以下流別滋多逐末遺本勢如江河約舉百里傑者不磨

明

鄧楚望字震卿號東里嘉靖己未進士鄉舉年最少爲貧欲仕廷試時內閣夏言惜之命撤席歸久之始登第官行人外補按察副使解官年僅五十林下三十餘年賞花賦詩築百可園自娛著有詩刪續稿及詩城摘錦紀聞笑林

麻城縣志

卷三十一

人物志文苑

三

等書子茂林

鄧茂林字仲翔兒時聰穎英年淹貫百家數困棘闈遂憤棄舉子業服古敦行師事袁某袁諸子不肖以白金私付茂林囑好存貯爲身後計袁歿卽攜金爲治喪具其子續曾徽曾暨孫輩均克繩祖父皆忠厚傳

邱齊雲號謙之以弱冠領鄉薦嘉靖乙丑進士年方廿四任四川富順縣陞戶部郎出爲潮州知府其致政時年僅三十八宦情甚淡惟寄興詩酒耽情遊覽刻有吾兼亭集粵中稿國雅中選集子邱坦

梁宸字西橋少穎悟嘗館太史童承叙家童偶閱漢書有遺失宸悉記無訛成童補廩三讓貢與年長者卒就廣文與吏部許深相善囑臨選時自擇書付小史相示宸面允心否曰有命乃簽成都僻遠許爲扼腕旋欲致其子補廩

府志

餼宸確辭曰年少當力學功名易得亦易失也  
劉諧號宏源隆慶辛未進士選庶吉士改兵科給事中外補福建按察僉事遷餘干知縣喜獎寒士居鄉折節後進抗上而不慢下年未冠作西湖律詩百韻人競傳之  
周應明字子良號瀛海萬厯辛卯鄉試第五會試第四授

麻城縣志

卷二十三

人物志文苑

四

禮部主事卒於京美丰姿一目重瞳儁才博學能文著小草爲世所稱亦能詩工書法繪事

王兆雲號赤同嗜書築樓名垂雲藏之交遊悉江左名士著有王氏雜記八卷明詞林人物考十二卷驚座新書八

卷王氏青廂錄十二卷烏衣集話八卷子陞號酉陽工書

法舊志

劉師召號魯橋講學著書梅侍郎國楨出其門

周世遴字伯譽工制舉文臨川陳際泰以制舉文稱大家其序麻城周伯譽遺稿云周伯譽何以死而竟死矣然伯

譽未嘗死且惟伯譽可以死也予聞西人未有如伯譽者西  
安徐子卿其幾是乎子卿售而伯譽言天伯譽天而諸人壽  
皆數之不可測者余生平性嗜子卿冀復得一子卿而伯  
譽則死矣非子卿而售非伯譽而壽亦獨何哉

王都俞號在明亦工制舉文才思迅發張天如顧麟士楊  
子常吳次尾等相與交善咸推重之

周延齡字大年總角卽有才名清修耿介甚有雅操其父  
制厯仕陝浙竟不一履任所惟以麟經教授閭閻間縣俊  
秀多出其門遠及滇黔千里負笈受業見重於督師丁啟

麻城縣志

卷二十二

人物志文苑

五

睿迓之帷幄一總戎希陞遷持銀五百兩托關說於丁詢  
之果稱其職乃爲力請得允却其謝金曰受之則非公其  
不苟類如此明末輪歲薦不就士類高之其子長流著有  
麻城春秋文選行世其家學淵源云

劉侗字同人號格菴爲諸生卽見賞於督學葛公禮部以  
文奇奏參同景陵譚元春黃岡何閔中降等自是名益著  
聞崇禎甲戌提南宮授吳縣令之任卒於維揚舟次初客  
都門取燕人于奕正所抄集著爲帝京景物畧八卷其所  
爲詩制舉藝先爲武昌孟登刻於蘭陽名龍井崖詩及雉

草後韜光三十二義爲譚元禮刻於德清爲人以千秋自  
命不苟同於世故詩文亦幽古奇奧無一字拾人殘瀆舊志  
魯晟號秋崖明歲貢前御史之賢子博學瑰行爲縣名士  
閩人吳與泌爲立秋崖逸老傳所著詩文極富散軼殆盡  
今惟縣進士周蝶園序尚存

國朝

王汝霖字用肅縣諸生少有文名爲文援筆立就督學王  
發祥嘆爲當世史才知縣王潞嘗以縣志屬之纂修會遷  
去不克授梓稿藏於家庚戌志成多所採取府志

麻城縣志

卷二十二

人物志文苑

六

周禮字在魯順治己丑進士會詔進士有願從軍者聽禮  
從大軍下廣東授高州知府遇事果斷不畏疆禦清理冤  
獄忤上官放歸以詩酒文章自娛家無擔石晏如也與黃

岡奚祿詒同修府志年八十餘卒

府志

鄒知新字師可幼少慧苦學不輟長而能文由舉人順治  
八年官襄陽宜城縣教諭作士有聲督撫治按互薦志切  
親民不樂內轉國學陞山東萊陽縣知縣以解逃違限解  
任歸田誦讀自娛著有縣志一十四卷文簡事該惜未付  
梓今志多所取證焉

楊世泰字以祉同知王庭子邑諸生以次子會官封訓導  
究心經史終日杜門孝友性成淳和共仰公舉鄉飲大賓  
年八十有九眼觀五世才萃一堂相繼遊泮明經登科從  
仕人咸稱教學之淵源云

楊晉字順之世泰三子早食餼有文名集稿刊行士林心  
折子知數字極其年六歲而孤肅遵母訓十二歲督學奇  
其特見取大邑庠次年食餼拔送江漢書院諸大吏咸器  
重焉日與名宿詩文往來著有詩稿及春秋文選行世

李春江字公楫少聰穎以神童名十三歲冠童子試次年

麻城縣志

卷二十二

人物志文苑

七

食廩餼年十六拔貢

廷試第一授武昌教諭嗜學摹古與鮑子知譚友夏劉同  
人艾千子輩頡頏文事

李中黃縣增生少孤事母孝教弱弟極嚴博極羣書富著  
作知名士心折焉著有逸樓四論

李中素字子鵠少孤性孝友慷慨好施以故家益落工詩  
文兼長於書畫由歲貢授湘鄉教諭爲岳麓書院長卓異  
陞閩縣知縣閩多欺隱至則請按戶清糧自封投櫃由是  
歡聲載道上吏頌式通行之隨以能廉調臺灣值野番跳

梁計擒渠魁餘黨悉平卒於任

通志

周維桓字錫卣號巨公順治庚子舉人康熙癸丑成進士授河南沈邱縣未仕少穎慧博學能文端方孝友康熙庚戌縣志與纂修焉著有蓼園文集於家

董天策字克勤康熙壬申歲貢參議應軫五世孫御史緱之元孫以春秋教授遠近學者稱柳溪先生知縣姜楠特見尊禮額其廬曰名重江都有四書文稿春秋文稿柳溪雜稿藏於家

李佐字良哉號螺峰縣學生好讀書不修邊幅工書法尤

麻城縣志

卷二十二

人物志文苑

八

善吟咏著有坡隣堂詩集

李之素字雲山歲貢生山居積德讀書動靜必由禮義堪爲後學式著有省身輯要二十二卷孝經內外傳六卷等書行世子煥成進士

熊調鼎字繼周襟胸曠達與物無爭尤時自警醒嘗自題齋云飲酒看花才到二分便怕與人持世合成三反方安其敬慎益素履也以歲貢銓選訓導不就教授生徒多方開示里邑望其衣冠者皆曰我家先生家無宿糧勤於學問輯有念一史提綱經古文改釋惜貧不能梓每多散失

胡鉉字勲鉅號震軒廩貢生曾祖公國崇禎庚午舉人祖  
躍龍順治壬辰進士父文址年十二入學食廩餼貢入太  
學鉉少好學通經術易義尤精壬申鄉試卷亟爲房官陳  
龍友所賞薦不售遂絕意科名益肆志於詩古文詞善衡  
文每考試論斷諸生等第高下發科遲速輒奇中性孝友  
撫弟鑰成立訓誨勤懇始終如一居家嚴肅遇子弟過誤  
雖年長必加飭責未嘗有恕辭知縣劉希向甫下車訪縣  
名宿往謁首舉弭盜安民數大事悉蒙採納旣乃匿跡山  
村絕不通欵曲縣益重之後卒躬奠其廬著有端池文稿  
麻城縣志

卷二十二

人物志文苑

九

六卷霞軒詩集二卷藏於家子潛瑞縣諸生翔靄乾隆乙  
酉舉人內閣中書任杭州通判翹霜己亥舉人

程九萬字鳴玉生員若深子幼聰俊博覽負文名與兄弟  
瑗琮璘等師資切劘文詞下筆立就豪邁稱首族伯渭南  
家素豐因乏嗣伯母阮氏以賢以愛立九萬爲繼數年族  
人笑聳阮氏以渭南鬻婢晏姓有數歲子係其遺孤百計  
購來更立之九萬乃卽日束裝歸退然返處晏如也攻苦  
積學弱冠就學使試已入彀因脫字中落使者榜示遺珠  
之憾賫志以歿縣人惜之

甘學洵字鳳川性遲鈍有經史癖家貧不能具書每乞假於人手披口吟咳血數升不輟至作文講說輒擱束前言沉思冥索所見解悉從靈府瀾出質之先正實有發明卒困諸生著有鳳臺文藝四書啟蒙二十九卷

侯天柱字宕峯乾隆丁卯舉人曠達不羈善談論口若懸河胸無畛域教訓生徒娓娓開道無不沁人心曲學者多受其益

李巍字奠川增生性孝友父病痰手足不能運巍左右服侍廢田園延名醫其後家益落兄弟同心財物不私己兩

麻城縣志

卷三十一

人物志文苑

十

弱弟賴以成立愛讀書尤精古學頗得王父鵠山遺意

以上

俱採訪  
新增

馮士彬字偉文天懷坦直行詣高潔以明經應銓訓導屈選不就交游爲之勸駕亦笑謝之曰予性迂拙不樂仕進憲文催促堅以疾辭邑侯慕其賢三舉鄉飲介賓三讓不就自以制藝取士來縣中間人頗饒著作然家多放失彬哀輯成帙令無墜先型人有就正者無遠邇必直言無諱嘗自言曰人來相質是知我也質而弗直是負人也直而不受乃人負我也寧人負我無我負人年九十而終其剛



吳泰來歲貢生爲邑南宿學博覽羣書兼善星學其言事多驗好獎勵後學著有碎琴集

張世鎮號南極邑諸生好學深思夜以繼日與袁金溪同學白臬之中院數年袁兄事之負笈從遊者不計束修人皆以夫子稱之晚年博極書史精明易理輯有歷代名臣錄數十卷三才合一說全卷

汪錫朋邑廩生穎悟好學循循善誘故從遊者衆晚歲兼通內典善養生註有心經解功過格註釋一貫錄

廩生羅映奎字星垣居親喪勺飲不入哀動鄉里師事劉麻城縣志

卷三十一

人物志文苑

十一

自健先生歿爲經理其喪甥劉永耀妻吳氏守節窘甚奎分歲入束修以恤赴郡試時有處子就之峻拒不納舊友有以非義事相懇者奎責之曰故人知君君何不知故人也羅星垣豈助人爲不義者其人慚退講書以宋儒爲宗嘗謂讀古書不能反求諸已縱獵取文義於學問何與尤篤好古文晨夕孜孜不倦門弟子甚衆其著者如貢生楊正楷羅雲漢羅喻烈舉人羅文樞陳巍煥劉榮羅有壬庠生楊子懋陳茂桂黃鵠王鳳儀周兆玉周體仁嘗渡河適山水暴發船小舟覆溺死者衆奎援岸獨免後以明經例

授訓導年八十九歲卒生平撰述甚富經兵燹無存

楊正楷號靜菴乙丑 恩貢爲人樸實精研易學家貧少  
牧牛成童後始欲讀書父恐妨農務母素賢勸令讀師事  
名儒田子元嘗問爲人之方告以不外一誠字遂佩服終  
身師卒貧乏無嗣敬禮師母始終如一

陶露柏字仙崧歲貢生前歲貢祖淵之子品正行端士林  
景仰嘗主講萬松書院邑侯某失禮卽以稟辭詞嚴義正  
邑侯踵門謝之年八十卒同時萬道南字湘帆學養純粹  
王子驥字鈞臺素行剛方皆歲貢生分講萬松書院

麻城縣志

卷二十二

人物文苑

十一

蔡錡字伯容己酉歲貢敦品勵學博通古今爲一時後學  
所宗仰卒年八十二歲

余逢號潑泉增生家素封好讀書不憚寒暑爲文沉摯以  
院案首受知鮑覺生鄉試七十一膺房薦道光甲午以  
堂備調取江漢書院正課生時主講袁金溪公也往受業  
年已五十五矣文益古宕退而課讀於家祠族里受業者  
咸賴以成就著有家訓名言尤堪傳世

丁芳南邑諸姓生純樸嗜學除讀書外他事不干涉鄉里重  
其品行

麻城縣志卷之二十二下

人物志 瑞徵

南山進頌北斗騰光同為人瑞俾壽而臧

重遊泮水金壽鏞王家集之下夾洲人素敦品好學家貧年耄晏如也入嘉慶丁丑科郡庠光緒丙子重遊泮水學憲王獎聯云尙有文章傳藝苑又看領袖到芹宮

恩賜翰林潘光烈家貧好學喜怒不形於同治丁卯年請建百歲坊至百零二歲卒

百歲現存劉以甲卧牛石之劉家村人生於乾隆丙申年

麻城縣志

卷三十三

人物志瑞徵

十三

三月日時生平樸誠秉性公正持身昔友兄弟者四人今見曾元者五世年雖百歲仍屬康健可稱人瑞

百二十歲祝母郝氏係深溝區祝正豐髮妻豐早卒母矢志撫孤子萬順娶媳鄭氏順亦早卒始媳二人不以家貧易其志鄭今年九十四歲尙主中饋事紡紉市甘旨以奉始光緒元年以花甲重週稟縣詳請旌獎

王維龍乾隆戊午生秉性剛方持躬正直其牖老憐貧修橋砌路鄉人多其義舉焉嘗外出夜歸有數人稱其善行襲送到門及門啓反顧寂然享年九十八歲卒亦人瑞也